

आकाशवाणी

पैहले खास-खास खबरां:-

1. अमरीकी राष्ट्रपति डोनाल्ड ट्रम्प होरें अमरीका-इजरायल दे ब्हाई हमले च ईरान दे सबनें शा बड्डे नेता अयातुल्ला अली खामनेई हुंदी मौत दी घोषणा कीती ऐ। ईरान दे सरकारी टी.वी पर बी इस खबर दी तस्दीक कीती गई ऐ।
2. विदेश मंत्री डाक्टर एस. जयशंकर होरें कल खाड़ी मुल्खें दे केंई विदेश मंत्रियें कन्नै गल्लबात करियें हालात दी समीक्षा कीती ते तनोतनी घट्ट करने लेई गल्लबात ते कूटनीतिक रस्ते तुप्पने पर जोर दिता।
3. ताजा हालात गी दिखदे होई इजरायल ते कुबैत सनें होर केंई मुल्खें च स्थित भारतीय दूतावासें- भारती नागरिकें गी सौहगा-सतर्क रौहने दी सलाह जारी कीती ऐ।
4. सिविल हवाबाजी सरबंधि भारतीय मंत्रालय नै घोषणा कीती ऐ जे ईरान-इजरायल बश्कार बधदी तनोतनी दे चलदे अज्ज 444 ब्हाई डोआरियां रद्द होई सकदिआं न।
5. प्रधानमंत्री नरेन्द्र मोदी होर अज्ज तमिनाडू ते पुडुचेरी च 7 ज्हार 100 करोड़ रपे दी लागत आहलियें केंई विकास परियोजनाएं दी शुरुआत करगंन।
6. आई.सी.सी. टी-20 क्रिकेट विश्व कप सुपर-8 दे मकाबले च श्रीलंका पर जित दे बावजूद पाकिस्तान टूर्नामेंट चा बाहर- भारत दा मकाबला अज्ज वेस्ट इंडीज कन्नै होग।

## Khamnei Killed

अमरीका दे राष्ट्रपति डोनाल्ड ट्रम्प होंरें आखेआ ऐ जे ईरान दे सबनें शा बड्डे नेता अयातुल्ला अली खामनेई दी अमरीका- इजरायल दे ब्हाई हमले च मौत होई गई ऐ। सोशल मीडिया पर इक पोस्ट च ट्रम्प होंरें आखेआ जे खामनेई दी मौत ईरानी जनता लेई अपने मुख्य गी वापस हासल करने दा इक बड्डा मौका ऐ। अमरीकी राष्ट्रपति होंरें अग्गे आखेआ जे बमबारी पूरे हफते जां ओहदे कोला बी मते चिरें धोड़ी जारी रौहग। ईरानी सरकारी टेलीविजन हमले च ईरान दे फौजी ते सरकारी ठिकाने गी नशाना बनाया गया ऐ। खबरें मुजब हमले च घट्टो-घट्ट 40 ईरानी अफसर बी मारे गे। ईरान च 40 दिनें दे सरकारी शोक दी घोषणा कीती गई ऐ। ईरान सरकारी मीडिया मुजब अजे धोड़ी 200 कोला मते लोकें दी मौत होई गई ऐ ते 700 कोला मते घाल बी होए देन। जवाबी कारवाई च ईरान नै मध्यपूर्व दे बक्ख-बक्ख क्षेत्रें च हमले कीते न। दुबई- दोहा- बहरीन ते कुबैत च ईरानी हमले दी खबर ऐ। एह ओ थ्हरां न जित्थै अमरीकी फौजी अड्डे न जां जेहडे अमरीका दे सहयोगी न। कल अमरीका ते इजरायल नै ईरान पर आपू च तालमेल बनाइयै हमले कीते जेहदे बाद सूललचे पच्छम एशिया च तनोतनी बड़ी मती बधी गेदी ऐ।

<><><><><><>

## Jai Shankar Middle East

विदेश मंत्री डाक्टर एस. जयशंकर होंरें कल खाड़ी मुख्यें दे केई विदेशमंत्रियें कन्नें गल्लबात कीती ते गल्लबात च कूटनीतिक रस्तें राएं तनोतनी घट्ट करने

दी जरूरतें पर जोर दिता। डाक्टर जयशंकर होरें संयुक्त अरब अमीरात दे विदेश मंत्रियें शेख अब्दुल्ला बिन जायद अल नाहयान हुंदे कन्नै खाड़ी क्षेत्र दे तेजियां कन्नै बदलदे हालात पर चर्चा कीती। सोशल मीडिया पोस्ट च डाक्टर जयशंकर होरें आखेआ जे भारत इस बिगड़दी स्थिति गी लेइयै फिकरमंद ऐ। जयशंकर होरें दस्सेआ जे उ'ने सऊदी अरब दे शहजादें फैसल बिन फरहान हुंदे नै बी गल्लबात कीती ऐ। उ'ने कतर दी स्थिति बारे अवगत कराया। विदेशमंत्री होरें बहरीन दे विदेशमंत्री डाक्टर अब्दुल लतीफ बिन राशिद अल जायनी हुंदे कन्नै क्षेत्रीय घटनाक्रम पर विचार-बचांदरा कीता। उने आखेआ जे मजूदा हालात इक गंभीर चिंता दा विषय न। उ'ने इब्बी आखेआ जे बहरनी सरकार नै भारतीय समुदाय दी सुरक्षा लेई बी लोड़चदियां गेई पुट्टने गितै त्यार ऐ। जयशंकर होरें कुबैत दे विदेशमंत्री शेख जर्हाह -जाबेर अल अहमद अल सबाह हुंदे नै बी गल्लबात कीती।

<><><><><><>

#### UNSC Meeting

संयुक्त राष्ट्र दे महासचिव एंतोनियो गुतरेस होरें ईरान पर अमरीका ते इजरायल आसेया कीते गेदे ब्हाई हमलें दी निर्देया कीती ऐ। उ'ने खाड़ी क्षेत्र ते दुनिया गी इक बड्डे युद्ध शा बचाने लेई तुरत गल्लबात शुरु करने दा आहवान कीता ऐ। गुतरेस होरें आखेआ जे अमरीका ते इजरायल आसेआ कीते गेदे ब्हाई हमले संयुक्त राष्ट्र चार्टर सने अंतराष्ट्रीय कन्नू दे उल्लंघन ऐ।

<><><><><><>

## EU Statement

यूरोपीय संघ दे विदेश नीति सरबन्धी प्रमुख काज़ा कल्लास होरें मध्य पूर्व दे मौजूदा हालात ते ताजा घटनाक्रम गी बड़ा खतरनाक दस्सदे होई नागरिकें दी सुरक्षा ते अंतराष्ट्रीय कन्नें दी सख्ती नै पालमा दा आहवान कीता ऐ। कल्लास होरें आखेआ जे उ'नें इजरायल दे विदेश मंत्री गिदोन सार हुंदे कन्नें गल्लबात कीती ऐ ते लड़ाई दे खतरे गी टालने लेई राजनयिक रस्ता अपनाने लेई अरब सांझेदारें कन्नें बी गल्लबात चला करदी ऐ। काज़ा कल्लास होरें अग्गे आखेआ जे गैर-जरूरी कर्मचारियें गी उत्थुआं वापस सद्दने दे कन्नें गै यूरोपीय संघ दा दूतावास अपने नागरिकें दी वापसी लेई कोशिशं करा करदा ऐ।

<><><><><><>

## India Israel Advisory

इजरायल ते कुबैत सनें होरनें केई मुखें स्थित भारतीय दूतावासें इलाके च मौजूदा हालात गी दिक्खदे होई इजरायल च रौहने आलें सबनें भारतीय नागरिकें गी सौहगा सतर्क रौहने ते एहतियात बरतने दी सलाह जारी कीती ऐ। इस सलाह च भारतीय नागरिकें गी आखेआ गया ऐ जे ओ जारी दिशा-निर्देशों दी पूरी संजीदगी कन्नें पालमा करन। भारतीय नागरिकें गी खबरें ते उत्थू दियें सरकारें दियें घोषणाएं पर तक्क रक्खने लेई बी आखेआ ऐ। इजरायल च भारतीय दूतावास नै दसेया ऐ जे कुसै आपात स्थिति च भारतीय नागरिक दूतावास दे हैल्पलाईन नम्बर- 972547520711 पर सम्पर्क करी सकदे न जां [cons1.telaviv@mea.gov.in](mailto:cons1.telaviv@mea.gov.in) पर ई-मेल भेजी सकदे न। कुबैत च भारतीय दूतावास

हैल्पलाईन नम्बर ऐ 96565501946. एहदे इलावा

[Communitykuwait@mea.gov.in](mailto:Communitykuwait@mea.gov.in) पर ई-मेल भेजी सकदे न। जारी सलाह मताबक

दूतावास सामान्य रूप कन्नै अपना कम्म करा करदे न।

<><><><><><>

MOCA Flights Cancelled

सिविल हवाबाजी सरबन्धि भारतीय मंत्रालय नै घोषणा कीती ऐ जे ईरान ते इजरायल बश्कार बधदी तनोतनी ते ताजा घटनाक्रम गी ध्यानै च रखदे होई अज्ज 444 ब्हाई डोआरियां रद्द होई सकदियां न। सोशल मीडिया पर इक पोस्ट च मंत्रालय नै आखेआ ऐ जे सिविल हवाबाजी महानिदेशालय DGCA यात्रिये दी सुरक्षा ते चालन नियमें दी पालमा जकीनी बनाने लेई एयर लाईन्स कन्नै मिलिये कम्म करा करदा ऐ। पोस्ट च आखेआ गया ऐ जे ईरान ते मध्यपूर्व दे किश हिस्से पर ब्हाई क्षेत्र सरबन्धि पाबंदिये दे कारण कल 410 डोआरियां रद्द कीतियां गेइयां हियां। यात्रिये गी ब्हाई अड्डे जाने कोला पैहले एयर लाईन्स कोला अपनी फ्लाईट दी ताजा स्थिति दी जांच करी लैने दी सलाह दिती गेई ऐ। केइये एयर लाईन्स नै बी अपनिया डोआरियां रद्द करने दा फैसला लैता ऐ- जियां जे पैहले बी खबर दिती जाई चुकी दी ऐ कि .ईरान पर अमरीका ते इजरायल ते उप्परोतली हमले दे चलदे एयर फ्रांस- एयर इंडिया- ब्रिटिश एयरवेस- इबेरिया एक्सप्रेस- इंडिगो- जापान एयर लाईन्स- लाट पोलिश एयर लाईंस- लुफथानसा- नारवेजियन एयर शटल- तुर्की एयर लाईन्स- वर्जिन एटलांटिक- कतर एयरवेज- एयर एलजिरिया- स्कैन्डी नेवियन एयरलाईंस ते

विज्ञ एयर सनें केई प्रमुख हवाई सेवा कम्पनियेँ इस इलाकेँ अपनी सबै डोआरियां रद्द करी दितियां न।

<><><><><><>

PM- TN Puducherry

प्रधानमंत्री नरेन्द्र मोदी अज्ज तमिनाडू ते पुडुच्चेरी च 7 ज्हार 100 करोड़ रपे दी केई विकास परियोजनाएं दा शुभारम्भ करगंन। प्रधानमंत्री राजस्थान ते गुजरात दे दौरे दे मगरा कल रातीं चेन्नेई पुज्जे। पुडुच्चेरी च प्रधानमंत्री अज्ज 2 ज्हार 7 सौ करोड़ रपे शा मती लागत आहली बक्ख-बक्ख विकास परियोजनाएं दा उदघाटन करगंन। इंदे च चेन्नेई बीच -चेन्नेई एग्मोर चौथी रेल लाईन दा उदघाटन बी शामिल ऐ। एह परियोजनां चेन्नेई उपनगरीय रेल नैटवर्क दी परिचालन क्षमता बद्धाग। इस मौके प्रधानमंत्री जनसभा गी सम्बोधित बी करगंन। एहदे मगरा प्रधानमंत्री दपैहरी'लै तमिलनाडू दे मदुरै पुजगंन जित्थे ओह 4 ज्हार 4 सौ करोड़ रपे शा मतियेँ परियोजनाएं दा उदघाटन ते लोकार्पण ते आधार-शिला रखगंन। तमिनाडु च प्रसारण सेवाएं गी होर मजबूत करने लेई प्रधानमंत्री कुंभकोणम- येरकौड ते वेल्लोर च त्रै नमें आकाशवाणी एफ.एम रिले ट्रांसमीटरें दा उदघाटन बी करगंन।

<><><><><><>

T-20 Cricket

आई.सी.सी. टी-20 क्रिकेट विश्व कप च पाकिस्तान सुपर-8 दे मैच च श्रीलंका पर 5 रन्ज दी जित्त हासल करने दे बावजूद टूर्नामैन्ट शा बाहर होई गेआ ऐ।

पैहले बल्लेबाजी करदे होई पाकिस्तान नै साहिबज़ादा फरहान दे 100 रन्ज ते ओदे सलामी जोड़ीदार फखर ज़मान दे 84 रन्ज दी बदौलत 20 ओवरें च 8 विकटें दे नुकसान पर 212 रन्ज बनाए। परतै च श्रीलंका नै 20 ओवरें च 6 विकटें मोहाइयै 207 रन्ज गै बनाई सकी। कप्तान दासुन शनाका 76 रन्ज बनाइयै नाट आउट रेह। तौंआई भारत दा सामना अज्ज वेस्ट इंडीज़ कन्ने होग। मैच भारतीय समें मुताबिक शामी 7 बजे शा कोलकाता दे ईडन गार्डन च खेडढेआ जाग। अज्ज दा दुआ मुकाबला दक्खन अफ्रीका ते जिम्बाब्वे बश्कार अरुण जेटली स्टेडियम - नमीं दिल्ली च दपैहरी लै 3 बजे खेडढेया जाग।

<><><><><><>